



ՄԱՆՆԱԿԱՆ ԹՈՒՆՆԱԿԱՆ

ԿԱՆՈՆԱԿԱՆ ԹՈՒՆՆԱԿԱՆ

ՀԱՆՐԱՊԵՏՈՒԹՅՈՒՆ ԳԵՎՈՐԳՅԱՆ ԸՆԾԱՐԱՆՈՒՄ

1998 թ. մայիսի 28-ին Գևորգյան Հոգևոր ճեմարանի դահլիճում տեղի ունեցավ հանդիսություն՝ նվիրված Հայաստանի առաջին Հանրապետության անկախության 80-ամյակին՝ նախագահությամբ Գերաշնորհ Տ. Ներսես Արքեպիսկոպոս Պողոսյանյանի: Ներկա էին նաև միաբաններ Ամբիկյան:

Երգչախմբի կողմից Հայաստանի Հանրապետության հիմնի ու ճեմարանի քայլերգի կատարումից հետո, բացման խոսքով հանդես եկավ ճեմարանի տեսուչ Հայկազուն Ծ. վարդապետ Նաջարյանը:

Հանդիսության ընթացքում ուսանողները կատարեցին մի շարք հատկանշական երգեր, կարդացին քանադատեղծություններ, քանախոսությամբ հանդես եկավ ճեմարանի դասախոս Կրմ. Ավետիս Հարությունյանը:

1918 թ. մայիսի 28-ի Հայաստանի առաջին Հանրապետության ստեղծումն ու հիմնադրումը մեծապես կապված է Սարգսրապատի ճակատամարտում հայ ժողովրդի տարած մեծ հաղթանակի հետ: Սարգսրապատի ճակատամարտը հայ ժողովրդին, իր բազմադարյան գոյապայքարի քառուղիներում, ևս մեկ անգամ փրկեց ֆիզիկական ընաջնջման վտանգից, հային հայ պահեց՝ հասցնելով մինչև մեր ժամանակները, մինչև այսօր: Անցած 80 տարիների ընթացքում այս հաղթանակի ոգին մշտապես ուղեկցել է հային: Այսօր, երբ մեր անկախ հանրապետությունում բոլոր պայմանները կան էլ ավելի փառաբանելու հայ ազատատենչ ոգին, Հայաստանի տարրեր վայրերում, սկսած Բաշ-Մալաթանից, Դարբասիիսայից մինչև Երևան ու Սարգսրապատ, մեծ շուքով տոնվում է այդ հաղթանակի 80-ամյակն ու առաջին հանրապետության ստեղծումը:

խորհրդանշական է, որ վերաբացված Գևորգյան ճեմարանի տեսուչ Հայկազուն Ծ. վարդապետ Նաջարյանն իր բացման խոսքում բոլորին հորդորեց իրենց մեջ վառ պահել այն հաղթական ոգին, որը տիրում էր Սարգսրապատում մարտնչող զինվորների սրտերում: Մենք հպարտ ենք, որ 80 տարիներ հետո այդ ամենը հիշելու, արտահայտելու և այսօր մեր իրավունքը պաշտպանելու առիթը մեզ է՝ ընձեռված: Մյուս պահ խորհենք, փորձենք զննհատել այն դասը, որ քաղում ենք անցյալից՝ Սարգսրապատի ճակատամարտից: Այս պայմաններից, որ արված են մեզ այսօր, որքանով ենք կարողանում օգտվել և դրանք օգտագործել ի նպաստ մեր գործերի՝ իբրև ճեմարան, իբրև ապագա հազարակամներ, իբրև Հայ Առաքելական Եկեղեցու սպասավորներ:

Մենք այսօր ոչ թե փառք ու պատիվ պիտի փնտրենք անցավոր ու ժամանակավոր երևույթների մեջ, այլ, ներշնչված մեր սուրբ հայրերի կեցվածքով, կարողանանք ոգեշնչվել ու օրինակելի սպասավորները լինել մեր Եկեղեցու և ժողովրդի: Կյանքի այն ոսկե շղթան, որ քայքայման վտանգի տակ էր և ամբապնդվեց Սարգսրապատի հերոսամարտով, այսօր մենք ևս շարունակենք, որպեսզի հայ ժողովուրդն իր քրիստոնեական խաղաղ ու ստեղծարար աշխատանքով կարողանա ապրել նաև երբորդ հազարամյակում:

Փակման խոսքով հանդես եկավ Գերաշնորհ Տ. Ներսես Արքեպիսկոպոս Պողոսյանյանը, որը Սարգսրապատի ճակատամարտում տարած հաղթանակն իր կարևորությամբ համեմատեց Ավարայրի հետ: Նա հայ ժողովրդի զավակներին նահատակությունը նկատեց իբրև սուրբ հաղորդություն Զրիստոսի հետ: